

Evangelium vun Allerséilen [2. November] (Joer A - B - C)

Joh 14,1-6

G. *Den Här sief mat iech all.*

A. *An och mat lech.*

G. *Aus dem hellegen Evangelium nom Johannes.*

A. *Dir all Éier, Här.*

- 1 De Jesus sot zu senge Jünger:
"Äert Häerz soll net onroueg sinn!
Gleeft un den Herrgott,
a gleeft u mech!
- 2 A mengem Papp sengem Haus si vill Wunnechten.
Wann dat net esou wär,
hätt ech iech da gesot,
datt ech iech eng Plaz virbereede ginn?
- 3 Wann ech higaang sinn an iech eng Plaz virbereet hunn,
da kommen ech zréck
an huelen iech bei mech,
fir datt och dir do sidd, wou ech sinn.
- 4 Dir kennt de Wee dohinner,
wuer ech higinn."
- 5 Den Thomas sot zu him:
"Här, mir wëssen net, wuer s du higees.
Wéi solle mir dann de Wee dohinner kennen?"
- 6 De Jesus huet him geäntwert:
"Ech sinn de Wee, d'Wourecht an d'Liewen.
Et kënnt kee bei de Papp,
't sief dann duerch mech."

G. *Evangelium vun eiser Här Jesus Christus.*

A. *Dech, Christus, luewe mir.*